

REGLUGERÐ RÁÐSINS (ESB) nr. 721/2014

2015/EES/23/55

frá 16. júní 2014

um breytingu á reglugerð (EB) nr. 219/2007 um stofnun sameiginlegs fyrirtækis til að þróa nýja kynslóð evrópsks kerfis fyrir rekstrarstjórnun flugumferðar (SESAR) að því er varðar framlengingu á starfstíma sameiginlega fyrirtækisins til 2024 (*)

RÁÐ EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins, einkum 187. og 188. gr.,

með hliðsjón af tillögu framkvæmdastjórnar Evrópusambandsins,

með hliðsjón af álitum Evrópuþingsins ⁽¹⁾,

með hliðsjón af álitum efnahags- og félagsmálanefndar Evrópusambandsins ⁽²⁾,

og að teknu tilliti til eftirfarandi:

- 1) Markmiðið með verkefninu um rannsóknir og þróun á sviði rekstrarstjórnunar flugumferðar í samevrópska loftrýminu („SESAR-verkefninu“) er að nútímavæða rekstrarstjórnun flugumferðar („ATM“) í Evrópu og er verkefnið tæknileg undirstaða samevrópska loftrýmisins. Með verkefninu er stefnt að því að láta Sambandinu í té eigi síðar en 2030 afkastamikil grunnvirki fyrir flugumferðarstjórn sem gerir örugga og vistvæna flutninga í lofti mögulega.
- 2) SESAR-verkefnið samanstendur af þremur samverkandi ferlum sem eru innbyrðis tengdir, samfelldir og í þróun: skilgreining á efni og forgangsatridum, þróun nýrra tæknikerfa, ihluta og verklagsreglna SESAR og útfærsluáætlanir næstu kynslóðar kerfa fyrir rekstrarstjórnun flugumferðar sem stuðla að því að markmiðum samevrópska loftrýmisins varðandi frammistöðu verði náð.
- 3) Fyrsti áfangi skilgreiningarferlisins stóð yfir frá 2004 til 2008 og með honum varð til SESAR-mynsturáætlunin um rekstrarstjórnun flugumferðar (D5) sem var grundvöllurinn að fyrstu útgáfunni af evrópsku mynsturáætluninni um rekstrarstjórnun flugumferðar („mynsturáætlunin um rekstrarstjórnun“) sem ráðið samþykkti 30. mars 2009. Í mynsturáætluninni um rekstrarþróun eru skilgreind þrjú þrep í þróunarferli SESAR-verkefnisins: Tímamiðaðar aðgerðir (1. þrep), ferilmiðaðar aðgerðir (2. þrep) og frammistöðumiðaðar aðgerðir (3. þrep). Mynsturáætlunin um rekstrarþróun er sú áætlun sem hefur verið samþykkt til þess að færa rannsóknir og þróun yfir í útfærsluáfangann.
- 4) Sameiginlega fyrirtækinu SESAR („sameiginlega fyrirtæki“) var komið á fót með reglugerð ráðsins (EB) nr. 219/2007 ⁽³⁾ í þeim tilgangi að stýra starfsemi innan þróunarferlis SESAR-verkefnisins samkvæmt fjárhagsgramma Sambandsins fyrir 2007-2013. Meginverkefni sameiginlega fyrirtækisins er framkvæmd mynsturáætlunarinnar um rekstrarþróun.

(*) Þessi ESB-gerð birtist í Stjtið. ESB L 192, 1.7.2014, bls. 1. Hennar var getið í ákvörðun sameiginlegu EES-nefndarinnar nr. 300/2014 frá 12. desember 2014 um breytingu á bókun 31 við EES-samninginn um samvinnu á sérstökum sviðum utan marka fjórþætta frelsisins, biður birtingar.

⁽¹⁾ Álit frá 15. apríl 2014 (hefur enn ekki verið birt í Stjórnartíðindunum).

⁽²⁾ Álit frá 10. desember 2013 (hefur enn ekki verið birt í Stjórnartíðindunum).

⁽³⁾ Reglugerð ráðsins (ESB) nr. 219/2007 frá 27. febrúar 2007 um stofnun sameiginlegs fyrirtækis til að þróa nýja kynslóð evrópsks kerfis fyrir rekstrarstjórnun flugumferðar (SESAR) (Stjtið. ESB L 64, 2.3.2007, bls. 1).

- 5) Vinnuáætlun sameiginlega fyrirtækisins, sem fellur undir fjárhagsramma Sambandsins fyrir árin 2007-2013, fjallar um alla þætti 1. þreps og u.þ.b. 80% 2. þreps mynsturáætlunarinnar um rekstrarþróun. Skyldri starfsemi ætti að vera lokið eigi síðar en 2016. Sú starfsemi 2. þreps sem eftir stendur og starfsemi sem tengist 3. þrepi ætti að hefjast 2014 samkvæmt fjárhagsramma Sambandsins fyrir árin 2014-2020. Kostnaður við þessa starfsemi hefur verið metinn 1 585 milljarðar evra, þ.m.t. 85 milljónir evra til undirbúningsrannsókna, 1,2 milljarður evra til hagnýtra rannsókna og þróunar fyrir iðnvæðingu og 300 milljónir evra til umfangsmikilla tilrauna. Greiða ætti alfarið fyrir starfsemi er varðar undirbúningsrannsóknir af fjárlögum Sambandsins. Því ættu framlög frá atvinnulífnum og Evrópustofnun um öryggi flugleiðsögu (Eurocontrol) að koma til viðbótar fjárlögum Sambandsins til að hrinda í framkvæmd þeirri starfsemi sem eftir stendur, þar sem fylgt er sömu nálgun og í fjárhagsramma Sambandsins fyrir árin 2007-2013.
- 6) Í samræmi við 2. mgr. 1. gr. reglugerðar (EB) nr. 219/2007 skal sameiginlega fyrirtækið hætta starfsemi 31. desember 2016 eða átta árum eftir samþykki ráðsins á mynsturáætluninni um rekstrarstjórnun flugumferðar, eftir því hvort ber fyrir að. Framkvæmdastjórnin sendi ráðinu mynsturáætlun um rekstrarstjórnun flugumferðar 14. nóvember 2008 ⁽⁴⁾ og ráðið samþykkti hana 30. mars 2009.
- 7) Sameiginlega fyrirtækið uppfyllir viðmiðanir um samstarfsverkefni opinberra aðila og einkaaðila, sem settar eru fram með reglugerð Evrópuþingsins og ráðsins (ESB) nr. 1291/2013 ⁽⁵⁾ („Horizon 2020 rammaáætlunin“) og er hrint í framkvæmd með séráætlun sem komið er á með ákvörðun ráðsins 2013/743/ESB ⁽⁶⁾.
- 8) Með reglugerð (ESB) nr. 1291/2013 er stefnt að meiri áhrifum á rannsóknir og nýsköpun með því að sameina fjármagn Horizon 2020 rammaáætlunarinnar og einkageirans í samstarfsverkefnum opinberra aðila og einkaaðila á lykilsviðum þar sem rannsóknir og nýsköpun geta stuðlað að því að markmið Sambandsins um viðtækari samkeppni náist, auk þess að draga að fjárfestingar einkaaðila og hjálpa við að takast á við samfélagslegar áskoranir. Þetta samstarf ætti að byggjast á langtímaskuldbindingu, þ.m.t. jafnvægum framlögum frá öllum aðilum, þar sem aðilarnir bera ábyrgð á að ná markmiðum sínum og fylgja eftir stefnumótandi markmiðum Sambandsins að því er varðar rannsóknir, þróun og nýsköpun. Stjórnun og framkvæmd þessara samstarfsverkefna ætti að vera opin, gagnsæ og skilvirk og gera breiðum hópi hagsmunaaðila, sem virkir eru á sínum sérsviðum, kleift að taka þátt. Þátttaka Sambandsins í þessum samstarfsverkefnum getur verið í formi fjárframlaga til sameiginlegra fyrirtækja sem komið er á fót á grundvelli 187. gr. sáttmálans samkvæmt ákvörðun Evrópuþingsins og ráðsins nr. 1982/2006/EB ⁽⁷⁾.
- 9) Til þess að halda áfram þróun í starfsemi, sem skilgreind er í mynsturáætlun um rekstrarstjórnun flugumferðar, þarf að framlengja starfstíma sameiginlega fyrirtækisins til 2024, sem endurspeglar gildistíma fjárhagsramma Sambandsins fyrir 2014-2020 og veitir fjögur ár til viðbótar til að ljúka vinnuáætlun sameiginlega fyrirtækisins og verkefnum sem myndu hefjast fyrir lok þess fjárhagsramma. Slík framlenging ætti því að gera framkvæmd allrar mynsturáætlunarinnar um rekstrarstjórnun flugumferðar mögulega (2. og 3. þrep) eins og hún er í dag. Með hliðsjón af heildarmarkmiðum Horizon 2020 rammaáætlunarinnar um að ná fram meiri einföldun og samræmi ætti að taka tillit til gildistíma Horizon 2020 rammaáætlunarinnar í öllum auglýsingum eftir tillögum sem sameiginlega fyrirtækið stendur fyrir.
- 10) Undirbúa ætti opinbera auglýsingu þar sem óskað er eftir nýjum félagsaðilum í starfsemi sem framkvæma á samkvæmt fjárhagsramma Sambandsins fyrir 2014-2020. Aðild félagsaðila að sameiginlega fyrirtækinu, sem leggja ekkert af mörkum til þeirrar starfsemi sem fjármögnuð er samkvæmt fjárhagsramma Sambandsins fyrir 2014-2020, ætti að ljúka fyrir 31. desember 2016.
- 11) Sameiginlega fyrirtækið ætti að halda áfram að vera opið fyrir og hvetja til sem mestrar mögulegrar þátttöku og fyrirsvars hagsmunaaðila frá öllum aðildarríkjum, þ.m.t. lítill og meðalstór fyrirtæki, með inngöngu nýrra félagsaðila eða þátttöku í annarri mynd. Þátttaka ætti enn fremur að tryggja eðlilegt jafnvægi milli loftrýmisnotenda, veitenda flugleiðsöguþjónustu, flugvalla, herstarfsemi, samtaka fagmenntaðra starfsmanna og framleiðenda og veita litlum og meðalstórum fyrirtækjum, fræðasamfélaginu og rannsóknarstofnunum tækifæri.
- 12) Horizon 2020 ætti að vera framlag til þess að brúa rannsóknar- og nýsköpunargjána innan Sambandsins með því að ýta undir samlegðaráhrif við uppbyggingar- og fjárfestingarsjóði Evrópu (ESI). Því ætti sameiginlega fyrirtækið að leitast við að þróa náð samspil með uppbyggingar- og fjárfestingarsjóðum Evrópu, sem getur einkum stuðlað að

⁽⁴⁾ Stjtið. ESB C 76, 25.3.2010, bls. 28.

⁽⁵⁾ Reglugerð Evrópuþingsins og ráðsins (ESB) nr. 1291/2013 frá 11. desember 2013 um að koma á fót Horizon 2020 — rammaáætlun um rannsóknir og nýsköpun (2014–2020) og um niðurfellingu á ákvörðun nr. 1982/2006/EB (Stjtið. ESB L 347, 20.12.2013, bls. 104).

⁽⁶⁾ Ákvörðun ráðsins nr. 2013/743/ESB frá 3. desember 2013 um að koma á fót séráætlun um framkvæmd „Horizon 2020“ (2014-2020) og um niðurfellingu á ákvörðunum 2006/971/EB, 2006/972/EB, 2006/973/EB, 2006/974/EB og 2006/975/EB (Stjtið. ESB L 347, 20.12.2013, bls. 965).

⁽⁷⁾ Ákvörðun Evrópuþingsins og ráðsins nr. 1982/2006/EB frá 18. desember 2006 um sjöundu rammaáætlun um aðgerðir Evrópubandalagsins á sviði rannsókna, tækniþróunar og tilraunaverkefna (2007-2013) (Stjtið. ESB L 412, 30.12.2006, bls. 1).

því að styrkja getu til rannsókna og nýsköpunar á staðarvísu, svæðisvísu og landsvísu á starfssvæði sameiginlega fyrirtækisins og renna stöðum undir framtak í þágu skynsamlegrar sérhæfingar.

- 13) Sameiginlega fyrirtækið ætti að starfa með opnum og gagnsæjum hætti og veita viðeigandi aðilum sínum tímanlega allar upplýsingar sem máli skipta, með tilhlýðilegri hliðsjón af viðkvæmum málefnum, s.s. hugverkaréttindum, auk þess að kynna almenningi starfsemi sína, þ.m.t. upplýsinga- og miðlunarstarfsemi. Gera ætti málsmeðferðarreglur aðila sameiginlega fyrirtækisins aðgengilegar öllum.
- 14) Sameiginlega fyrirtækið ætti að beita rafrænum leiðum sem framkvæmdastjórnin hefur umsjón með til þess að tryggja aðgengileika, gagnsæi og auðvelda þátttöku. Því ætti að birta auglýsingar eftir tillögum, sem sameiginlega fyrirtækið stendur fyrir, á einni sameiginlegri gátt fyrir þátttakendur og einnig með öðrum rafrænum miðlunaraðferðum Horizon 2020 rammaáætlunarinnar sem framkvæmdastjórnin hefur umsjón með. Enn fremur ætti sameiginlega fyrirtækið að gera gögn sem máli skipta, m.a. varðandi tillögur, umsækjendur, styrki og þátttakendur, tiltæk svo hægt sé að færa þau á skrá í rafrænum tilkynninga- og miðlunarkerfum Horizon 2020 rammaáætlunarinnar sem eru í umsjón framkvæmdastjórnarinnar, á viðeigandi sniði og reglulega eftir því sem á við um skýrslugjafarskyldur framkvæmdastjórnarinnar.
- 15) Reynslan af starfrækslu sameiginlega fyrirtækisins sem aðila Sambandsins skv. 185. gr. reglugerðar ráðsins (EB, KBE) nr. 1605/2002 ⁽⁸⁾ sýnir að núverandi rekstrarrammi er nægilega sveigjanlegur og aðlagður að þörfum sameiginlega fyrirtækisins. Sameiginlega fyrirtækið ætti að starfa í samræmi við 208. gr. reglugerðar Evrópuþingsins og ráðsins (ESB) nr. 966/2012 ⁽⁹⁾. Sameiginlega fyrirtækið ætti að samþykka fjárhagsreglur sem víkja ekki frá fjárhagslegu rammareglugerðinni nema sértækar þarfir þess krefjist þess og með fyrirframsamþykki framkvæmdastjórnarinnar.
- 16) Þátttaka í óbeinum aðgerðum, sem eru fjármagnaðar af sameiginlega fyrirtækinu, ætti að vera í samræmi við reglugerð Evrópuþingsins og ráðsins (ESB) nr. 1290/2013 ⁽¹⁰⁾. Ekki er fyrir séð að undanþága í samræmi við 3. mgr. 1. gr. þeirrar reglugerðar verði nauðsynleg. Sameiginlega fyrirtækið ætti enn fremur að tryggja samræmda beitingu þessara reglna á grundvelli viðeigandi ráðstafana sam framkvæmdastjórnin samþykkir.
- 17) Til að tryggja samræmd skilyrði vegna framkvæmdar þessarar reglugerðar ætti að fela framkvæmdastjórninni framkvæmdarvald. Þessu valdi ætti að beita í samræmi við reglugerð Evrópuþingsins og ráðsins (ESB) nr. 182/2011 ⁽¹¹⁾.
- 18) Því ber að breyta reglugerð (EB) nr. 219/2007 til samræmis við það.

SAMÞYKKT REGLUGERÐ ÞESSA:

1. gr.

Breytingar á reglugerð (EB) nr. 219/2007

Reglugerð (EB) nr. 219/2007 er breytt sem hér segir:

- 1) Ákvæðum 1. gr. er breytt sem hér segir:

- a) Í stað 2. mgr. komi eftirfarandi:

„2. Sameiginlega fyrirtækið skal hætta starfsemi 31. desember 2024. Til þess að taka tillit til gildistíma Horizon 2020 - rammaáætlunarinnar um rannsóknir og nýsköpun (2014–2020), sem komið er á samkvæmt reglugerð Evrópuþingsins og ráðsins (ESB) nr. 1291/2013 ^(*) („Horizon 2020 rammaáætlunin“) skal birta auglýsingar eftir tillögum sem sameiginlega fyrirtækið stendur fyrir eigi síðar en 31. desember 2020. Í tilhlýðilega rökstuddum tilvikum má birta auglýsingar eftir tillögum fram til 31. desember 2021.

^(*) Reglugerð Evrópuþingsins og ráðsins (ESB) nr. 1291/2013 frá 11. desember 2013 um að koma á fót Horizon 2020 — rammaáætlun um rannsóknir og nýsköpun (2014–2020) og um niðurfellingu á ákvörðun nr. 1982/2006/EB (Stjtið. ESB L 347, 20.12.2013, bls. 104).“

⁽⁸⁾ Reglugerð ráðsins (EB, KBE) nr. 1605/2002 frá 25. júní 2002 um fjárhagsreglugerðina sem gildir um fjárlög Evrópubandalaganna (Stjtið. EB L 248, 19.6.2002, bls. 1).

⁽⁹⁾ Reglugerð Evrópuþingsins og ráðsins (ESB, KBE) nr. 966/2012 frá 25. október 2012 um fjárhagsreglur sem gilda um fjárlög Sambandsins og um niðurfellingu reglugerðar ráðsins (ESB, KBE) nr. 1605/2002. (Stjtið. ESB L 298, 26.10.2012, bls. 1.) Einkum hefur 208. gr. reglugerðar (EB) nr. 966/2012 komið í stað 185. gr. reglugerðar (EB, KBE) nr. 1605/2002.

⁽¹⁰⁾ Reglugerð Evrópuþingsins og ráðsins (ESB) nr. 1290/2013 frá 11. desember 2013 um reglur um þátttöku og miðlun í „Horizon 2020 - rammaáætlun um rannsóknir og nýsköpun (2014–2020)“ og um niðurfellingu á reglugerð (EB) nr. 1906/2006 (Stjtið. ESB L 347, 20.12.2013, bls. 81).

⁽¹¹⁾ Reglugerð Evrópuþingsins og ráðsins (ESB) nr. 182/2011 frá 16. febrúar 2011 um reglur og almennar meginreglur varðandi tilhögun eftirlits aðildarríkjaanna með framkvæmdastjórninni þegar hún beitir framkvæmdarvaldi sínu (Stjtið. ESB L 55, 28.2.2011, bls. 13).

b) Ákvæði 3. mgr. falli brott.

c) Í stað fimmta undirliðar 5. mgr. komi eftirfarandi:

„— að tryggja eftirlit með starfsemi tengdri þróun sameiginlegra vara, sem merktar eru á tilhlýðilegan hátt í mynsturáætluninni um rekstrarstjórnun flugumferðar, í gegnum styrki til félagsaðila og með þeim ráðstöfunum sem eru mest viðeigandi, s.s. innkaupum eða styrkveitingu í kjölfar auglýsingar eftir tillögum til að ná markmiðum áætlunarinnar í samræmi við reglugerð (ESB) nr. 1291/2013“.

2) Í stað 5. mgr. í 2. gr. a komi eftirfarandi:

„5. Starfsmenn sameiginlega fyrirtækisins skulu ráðnir tímabundið og samkvæmt sérstökum samningi. Samanlagður ráðningartími skal í engu tilviki vera lengri en starfstími sameiginlega fyrirtækisins.“

3) Ákvæðum 4. gr. er breytt sem hér segir:

a) Í stað fyrstu og annarrar undirgreinar 2. mgr. komi eftirfarandi:

„2. Framlag Sambandsins samkvæmt fjárhagsramma til margra ára fyrir tímabilið 2014-2020, þ.m.t. framlög frá EFTA, greidd með fjárveitingu til Horizon 2020 rammaáætlunarinnar, skal nema 585 000 000 evra.

Setja skal nánari reglur varðandi framlag Sambandsins í almennum samningi og árlegum samningum um fjárhagslega framkvæmd sem framkvæmdastjórnin, fyrir hönd Sambandsins, og sameiginlega fyrirtækið skulu gera með sér. Í reglunum skal m.a. felast nauðsynleg framlagning gagna til að tryggja að framkvæmdastjórnin geti uppfyllt miðlunar- og skýrslugjafarskyldur sínar, einnig um eina sameiginlega gátt fyrir þátttakendur og með öðrum rafrænum miðlunaraðferðum Horizon 2020 rammaáætlunarinnar sem framkvæmdastjórnin hefur umsjón með, og ákvæði varðandi birtingu auglýsinga sameiginlega fyrirtækisins eftir tillögum sem fer einnig fram á einni sameiginlegri gátt fyrir þátttakendur og með öðrum rafrænum miðlunaraðferðum Horizon 2020 rammaáætlunarinnar sem framkvæmdastjórnin hefur umsjón með.“

b) Í stað 3. mgr. komi eftirfarandi:

„3. Öllum fjárframlögum Sambandsins til sameiginlega fyrirtækisins skal hætt þegar fjárhagsramminn fyrir tímabilið 2014-2020 rennur út nema ráðið ákveði annað á grundvelli tillögu framkvæmdastjórnarinnar.“

4) Ákvæðum 4. gr. a er breytt sem hér segir:

a) Í stað 1. mgr. komi eftirfarandi:

„1. Stjórnin skal samþykkja fjárhagsreglur fyrir sameiginlega fyrirtækið að höfðu samráði við framkvæmdastjórnina. Í þeim skal ekki vikið frá fjárhagslegu rammareglugerðinni nema sérstök þörf sé á slíku vegna reksturs sameiginlega fyrirtækisins og framkvæmdastjórnin hafi áður veitt samþykki sitt.“

b) Ákvæði 2. mgr. falli brott.

5) Ákvæðum 5. gr. er breytt sem hér segir:

a) Í stað 2. mgr. komi eftirfarandi:

„2. Framkvæmdastjórnin skal samþykkja afstöðu Sambandsins í stjórninni.“

b) Ákvæði 3. mgr. falli brott.

c) Í stað 4. mgr. komi eftirfarandi:

„4. Með fyrirvara um 2. mgr. þessarar greinar skal framkvæmdastjórnin samþykkja afstöðu Sambandsins í stjórninni, að því er varðar ákvarðanir um umtalsverðar breytingar á mynsturáætluninni um rekstrarstjórnun flugumferðar, með framkvæmdargerðum sem skulu samþykktar í samræmi við rannsóknarmálsmeðferðina sem um getur í 2. mgr. 6. gr.“

6) Í stað 6. gr. komi eftirfarandi:

„6. gr.

Nefndarmeðferð

1. Framkvæmdastjórnin skal njóta aðstoðar nefndarinnar um samevrópskt loftrými sem komið var á fót með reglugerð (EB) nr. 549/2004. Þessi nefnd skal vera nefnd í skilningi reglugerðar (ESB) nr. 182/2011.

2. Þegar vísað er til þessarar málsgreinar gilda ákvæði 5. gr. reglugerðar (ESB) nr. 182/2011. Skili nefndin ekki álitum framkvæmdastjórnin ekki samþykkja drögin að framkvæmdargerðinni og þriðja undirgrein 4. mgr. 5. gr. reglugerðar (ESB) 182/2011 skal gilda.“

7) Í stað 7. gr. komi eftirfarandi:

„7. gr.

Bráðabirgðamat og skýrslugerð

Framkvæmdastjórnin skal láta fara fram fyrir 30. júní 2017, með aðstoð óháðra sérfræðinga, bráðabirgðamat á framkvæmd þessarar reglugerðar og árangri sameiginlega fyrirtækisins, með sérstakri áherslu á áhrif og skilvirkni þess áþreifanlega árangurs sem náðist á viðkomandi tímabili í samræmi við mynsturáætlunina um rekstrarstjórnun flugumferðar. Matið skal einnig ná til vinnuáðferða, auk almennrar fjárhagsstöðu sameiginlega fyrirtækisins. Framkvæmdastjórnin skal útbúa skýrslu um matið sem hefur að geyma niðurstöður matsins og athugasemdir framkvæmdastjórnarinnar. Framkvæmdastjórnin skal senda þá skýrslu til Evrópuþingsins og ráðsins eigi síðar en 31. desember 2017. Taka skal tillit til niðurstaðna bráðabirgðamats sameiginlega fyrirtækisins í ítarlega matinu og í bráðabirgðamatinu sem um getur í 32. gr. reglugerðar (ESB) nr. 1291/2013.“

8) Viðaukanum er breytt í samræmi við viðaukann við þessa reglugerð.

2. gr.

Umbreytingarákvæði er varða félagsaðild að sameiginlega fyrirtækisinu

Félagsaðild að sameiginlega fyrirtækinu skal ljúka eigi síðar en 31. desember 2016 að því er varðar félagsaðila sameiginlega fyrirtækisins sem greiða ekki, frá og með 1. janúar 2014, framlög í friðu eða í reiðufé upp í kostnað vegna vinnuáætlunar sameiginlega fyrirtækisins sem varðar fjárhagsramma Sambandsins fyrir 2014-2020.

3. gr.

Umbreytingarákvæði er varða starfsemi sameiginlega fyrirtækisins sem er fjármögnuð innan fjárhagsramma Sambandsins 2007-2013

Starfsemi sameiginlega fyrirtækisins, sem er fjármögnuð samkvæmt sjöundu rammaáætluninni um rannsóknir og tæknipróun og rammaáætlun um samevrópska netkerfið, sem hefst fyrir 31. desember 2013, skal lokið eigi síðar en 31. desember 2016, fyrir utan verkefnastjórnun er tengist lokum starfseminnar.

4. gr.

Gildistaka og beiting

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún gildir frá og með 1. janúar 2014.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Lúxemborg 16. júní 2014.

Fyrir hönd ráðsins,

G. KARASMANIS

forseti.

VIÐAUKI

Viðaukanum við reglugerð (EB) nr. 219/2007 er breytt sem hér segir:

1) Ákvæðum 5. gr. er breytt sem hér segir:

a) Í stað m- og n-liðar 1. mgr. komi eftirfarandi:

„m) mæla fyrir um reglur og málsmeðferðir við úthlutun nauðsynlegra samninga eða styrkja og annars samkomulags sem nauðsynlegt er til að hrinda í framkvæmd mynsturáætlunarinnar um rekstrarstjórnun flugumferðar, þ.m.t. sérstakar verklagsreglur til að koma í veg fyrir hagsmunaárekstra,

n) taka ákvarðanir um tillögur til framkvæmdastjórnarinnar er varða breytingar á stofnsamþykktunum,“.

b) Í stað a-liðar 2. mgr. komi eftirfarandi:

„a) stjórnin skal koma saman a.m.k. þrisvar sinnum á ári. Boða skal til aukafunda að beiðni annaðhvort eins þriðja hluta fulltrúa í stjórninni, sem fara með a.m.k. 30% atkvæða, eða að beiðni framkvæmdastjórnarinnar eða framkvæmdastjóra,“.

2) Í stað 1. mgr. 6. gr. komi eftirfarandi:

„1. Félagsaðilum sameiginlega fyrirtækisins eða stjórnarmönnum og starfsfólki sameiginlega fyrirtækisins er ekki heimilt að taka þátt í undirbúningi, mati eða valferli vegna veitingar fjárstuðnings frá sameiginlega fyrirtækinu, einkum í kjölfar útboðs eða auglýsingar eftir tillögum ef þau eiga, eru í fyrirsvari fyrir eða hafa gert samninga við aðila sem eru mögulegir þátttakendur eða umsækjendur.“

3) Í stað 2. mgr. 7. gr. komi eftirfarandi:

„2. Framkvæmdastjóri skal ráðinn tímabundið hjá sameiginlega fyrirtækinu í samræmi við a-lið 2. gr. ráðningarskilmála annarra starfsmanna. Stjórnin skal skipa framkvæmdastjóra af lista yfir umsækjendur sem framkvæmdastjórnin gerir tillögu um, í kjölfar opins og gagnsæs valferlis.

Formaður stjórnar skal gera samning við framkvæmdastjóra fyrir hönd sameiginlega fyrirtækisins.

Skipunartími framkvæmdastjóra skal vera fimm ár. Við lok þess tímabils skal framkvæmdastjórnin framkvæma mat þar sem lagt er mat á frammistöðu framkvæmdastjóra og framtíðarverkefni og -viðfangsefni sameiginlega fyrirtækisins.

Stjórnin getur, á grundvelli tillögu frá framkvæmdastjórninni, sem tekur tillit til þess mats sem um getur í þriðju undirgrein þessarar málsgreinar, framlengt skipunartíma framkvæmdastjóra í eitt skipti um allt að fimm ár.

Framkvæmdastjóri, sem hefur fengið skipunartíma sinn framlengdan, má ekki taka þátt í öðru valferli fyrir sama embætti við lok heildartímabilsins.

Einungis er hægt að vika framkvæmdastjóra úr starfi með ákvörðun stjórnarinnar að fenginni tillögu framkvæmdastjórnarinnar.“

4) Í stað 1. mgr. 9. gr. komi eftirfarandi:

„1. Sameiginlega fyrirtækið getur gert sérstaka samninga við og veitt styrki til félagsaðila sinna til að framkvæma verkefni sem skilgreind eru í 5. mgr. 1. gr., í samræmi við gildandi fjárhagsreglugerðir.“

5) Í stað 10. gr. komi eftirfarandi:

„10. gr.

Samningar og styrkir

1. Þrátt fyrir 9. gr. er sameiginlega fyrirtækinu heimilt að gera þjónustu- og vörusamninga eða styrksamninga við fyrirtæki eða fyrirtækjasamtök, einkum til að annast þau verkefni sem kveðið er á um í 5. mgr. 1. gr. þessarar reglugerðar.

2. Sameiginlega fyrirtækið skal sjá til þess að í samningunum og styrksamningunum, sem um getur í 1. mgr., sé kveðið á um rétt framkvæmdastjórnarinnar til eftirlits til að tryggja að vernd fjárhagslegra hagsmuna Sambandsins.
3. Þeir samningar og styrksamningar, sem um getur í 1. mgr., skulu hafa að geyma öll viðeigandi ákvæði um hugverkarétt sem um getur í 18. gr. Til að komast hjá hagsmunaárekstrum skulu félagsaðilar, sem koma að skilgreiningu á vinnu sem fellur undir innkaupa- eða styrktarferli, þ.m.t. starfsfólk þeirra sem er aðsent skv. 8. gr., ekki taka þátt í þeirri starfsemi.“
- 6) Í stað fyrstu undirgreinar 3. mgr. 12. gr. komi eftirfarandi:
- „3. Félagsaðilarnir, sem um getur í öðrum undirlið 2. mgr. 1. gr., skulu skuldbinda sig til að greiða stofnframlag, sem nemur að lágmarki 10 milljónum evra, innan eins árs frá því að þeim er veitt aðild að sameiginlega fyrirtækinu. Lækka skal þessa fjárhæð niður í fimm milljónir evra fyrir félagsaðila sem ganga inn í sameiginlega fyrirtækið innan 24 mánaða frá myndun þess eða eftir auglýsingu þar sem óskað er eftir nýjum félagsaðilum.“
- 7) Í stað 2. mgr. 13. gr. komi eftirfarandi:
- „2. Hvers kyns vaxtatekjur af framlögum, sem félagsaðilar sameiginlega fyrirtækisins greiða, skulu teljast til tekna sameiginlega fyrirtækisins.“
- 8) Í stað inngangshluta 1. mgr. 16. gr. komi eftirfarandi:
- „1. Sameiginlega fyrirtækið skal semja vinnuáætlun á grundvelli fjárhagsrammans sem um getur í 2. mgr. 4. gr. þessarar reglugerðar og á grundvelli traustrar stjórnunar og meginreglna um ábyrgð sem kveða skýrt á um áfangagögn og áfanga. Hún skal fela í sér eftirfarandi:“
- 9) Í stað 17. gr. komi eftirfarandi:

„17. gr.

Vernd fjárhagslegra hagsmuna Sambandsins

1. Þegar aðgerðum, sem eru fjármagnaðar samkvæmt þessari reglugerð, er hrundið í framkvæmd skal sameiginlega fyrirtækið gera viðeigandi ráðstafanir sem tryggja að fjárhagslegra hagsmuna Sambandsins sé gætt með forvarnarráðstöfunum gegn svikum, spillingu og öðru ólöglegu athæfi, með árangursríku eftirliti og, ef vart verður við misfellur, með endurheimt fjárhæða sem hafa verið ranglega greiddar og, ef við á, með viðurlögum sem eru árangursrík, í réttu hlutfalli við brotið og fyrirbyggjandi.
2. Framkvæmdastjórnin eða fulltrúar hennar og Endurskoðunarrétturinn skulu hafa heimild til að láta fara fram endurskoðun, á grundvelli skjala og á vettvangi, hjá öllum styrkþegum, verktökum og undirverktökum sem hafa fengið fjármagn frá Sambandinu.
3. Evrópuskrifstofunni um aðgerðir gegn svikum skal heimilað að framkvæma vettvangseftirlit og athuganir hjá rekstraraðilum sem slík fjármögnun snertir beint eða óbeint í samræmi við málsmeðferðina, sem mælt er fyrir um í reglugerð ráðsins (KBE, EB) nr. 2185/96 (*), til að staðfesta að um svik, spillingu eða annað ólöglegt athæfi hafi verið að ræða er hefur áhrif á fjárhagslega hagsmuni Sambandsins í tengslum við styrksamning eða ákvörðun eða samning sem varðar fjármögnun Sambandsins.
4. Með fyrirvara um 1., 2. og 3. mgr. skulu samstarfssamningar við alþjóðastofnanir, styrksamningar, ákvarðanir og samningar, sem leiða af framkvæmd þessarar reglugerðar, veita framkvæmdastjórninni, Endurskoðunarréttinum og Evrópuskrifstofunni um aðgerðir gegn svikum skýra heimild til að framkvæma slíkar endurskoðanir, vettvangseftirlit og athuganir.

(*) Reglugerð ráðsins (KBE, EB) nr. 2185/96 frá 11. nóvember 1996 um vettvangseftirlit og skoðanir sem framkvæmdastjórnin framkvæmir til þess að vernda fjárhagslega hagsmuni Evrópubandalaganna gegn svikum og öðrum brotum (Stjtið. EB L 292, 15.11.1996, bls. 2).“

- 10) Ákvæði 24. gr. falli brott.